

Clausura di “Festival di Buki” lo ta na Arco Iris Kleuterschool



Creando musica.



Hungando cabayito.



Diferente actividad haci pa e muchanan.



Diferente mucha personificando varios nacionalidad.

ORANJESTAD - Invitacion special pa e Clausura di Celebracion di 20 aña di Festival di Buki pa Mucha di Biblioteca Nacional Aruba. E evento lo ta cu un fabuloso Encuentro Multicultural.

NOS MUNDO TA DRAAI... Diabierna 9 di november for di 5:30 pm te cu 8:00 pm na Arco Iris Kleuterschool situa den Avicennastraat # 7, ta tuma luga e Clausura Di Celebracion di 20 Aniversario di Festival di Buki pa Mucha di nos Biblioteca Nacional Aruba cu e lema: ‘Nos mundo ta draai y ami ta sigui lesa bay.’

MUCHANAN TALENTOSO Un cantidad di 128 mucha talentoso ta cla prepara pa representa diferente pais, entre otro China, Italia, Portugal, India, Brazil, Africa, Merca (USA) y Aruba. Ademas di e show multicultural aki, lo tin un presentacion y exposicion hopi educativo di diferente charla cu e muchanan a prepara di e paisnan, tambe lo tin cuminda tipico di diferente pais, entre otro di Merca, Mexico, India, Hulanda, China, Portugal y naturalmente Aruba. Durante di e actividad aki e autornan lo ta presente y Departamento di Cultura Aruba ta encarga

cu e presentacion sorpresa dirigi door di Sr. Jhon Freddy Montoya cu diferente hoben, participantenan di Competencia Hubenil Gang di Arte y otro grupo di teatro y baile local.

COREOGRAFIA

E coreografia di cada show, ta na encargo di e Juffrouwnan Gabriela Lopez, Charity Croes, Sharma Geerman, Roosje Koolman, Elvia Comenencia, Tasha Rosario, Annemarie Navas, Tahirah van Cleef, Nairee Hart, Edris Angela y Vanessa Tevreden, cu e coordinacion general di Juffrouw Mari-

belle Arends.

ENCUENTRO MULTICULTURAL

Henter pueblo di Aruba ta keda cordialmente invita pa bin presencia e bunita clausura aki cu lo ta completamente gratis y ta priminti di ta uno hopi educativo y exitoso mirando e excelente trabao y dedicacion cu cada juffrouw a deposita den e Encuentro MULTICULTURAL aki.

Tanto juffrouw y e alumnonan ta cla pa duna un tremendo presentacion. □